



# BOLETÍN RSU MAIO 2020

## UNIVERSIDADE DE VIGO.

UNIDADE DE ANÁLISIS E PROGRAMAS



Investigadores, asociacións e cooperativas reuníranse no Congreso Internacional de Agroecoloxía os días 2 e 3 de xullo

## UN PUNTO DE ENCONTRO PARA DEBATER SOBRE POLÍTICAS ALIMENTARIAS PARA A SUSTENTABILIDADE

DUVI 07/05/2020

Segundo a FAO, unha alimentación sustentable provoca un impacto ambiental reducido, contribúe á seguridade alimentaria e nutricional e axuda a que tanto as xeracións actuais como as futuras leven unha vida saudable. Pero ademais, tamén axuda a protexer e respectar a biodiversidade e os ecosistemas, é culturalmente aceptable, accesible, economicamente xusta e nutricionalmente adecuada, inocua e saudable, e optimiza os recursos naturais e humanos. [+info.](#)



## PAUSAS ACTIVAS SAUDABLES PARA FACER FRONTE AO SEDENTARISMO

DUVI 07/05/2020

O Servizo de Prevención de Riscos Laborais remarca, no seu manual para teletraballar dende a casa de forma saudable, a necesidade organizar o tempo e facer os descansos precisos na xornada laboral. Desda necesidade nace a nova iniciativa da Área de Benestar, Saúde e Deporte, un proxecto saudable que consiste en realizar pausas activas que se retransmitirán en directo a través das redes sociais. [+info.](#)



Os despachos permiten tamén realizar gravacións

## O PROFESORADO DISPÓN XA DE DESPACHOS VIRTUAIS PARA TUTORÍAS E EXAMES

DUVI 08/05/2020

A suspensión da actividade docente presencial por mor da crise sanitaria provocada pola COVID-19 e a declaración do estado de alarma levou o pasado mes de marzo á Universidade de Vigo a despreparar diferentes recursos para garantir a continuidade do curso académico a través de plataformas telemáticas. Así, en poucos días, a institución académica puña en marcha o [Campus Remoto](#), no que se integrou a plataforma de docencia virtual [Faitic](#) e dentro do que se crearon 1600 aulas virtuais, xerando así un “xemelgo dixital” da propia Universidade, no que están representadas os seus diferentes servizos, facultades e escolas. [+info.](#)



Permite ampliar a capacidade diagnóstica a través do procesamento agrupado de mostras PCR

## A UNIVERSIDADE, IMPLICADA NUN PROXECTO PIONEIRO EN ESPAÑA PARA GARANTIR ÁREAS SANITARIA LIBRES DE VIRUS CIRCULANTE

M. DEL RÍO DUVI 11/05/2020

A Área Sanitaria de Vigo vai pór en marcha un proxecto pioneiro en España para garantir áreas libres de virus circulante. Trátase dun sistema para vixiar e controlar a circulación do coronavirus en áreas estratéxicas, ampliando a capacidade diagnóstica da COVID-19 a través do procesamento agrupado de mostras PCR diferentes. Esta técnica, coñecida como *pooling*, que xa foi probada con éxito no servizo de Microbioloxía do Chuvi, permite analizar nun único test as mostras de varios cidadáns, multiplicando a capacidade de avaliación actual. [+info.](#)



Fonte da imaxe: Sergas Ourense

## O ESTUDO PREDICO ANTICIPARÁ A EXPANSIÓN E A INCIDENCIA DA COVID-19

DUVI OURENSE 12/05/2020

O estudo Predico sobre modelos de predición dinámica sobre escenarios de afectación por COVID-19 a curto e medio prazo acaba de recibir financiamento por parte do Instituto de Salud Carlos III (ISCIII). A investigación, que terá como obxectivo predicir a evolución da expansión e incidencia da pandemia, contará coa participación de investigadores das universidades de Vigo, Santiago de Compostela e Aveiro e do Centro Nacional de Biotecnología (CSIC), sendo o seu coordinador o catedrático de Electromagnetismo da USC Jorge Mira. [+info.](#)

## A UNIVERSIDADE CONMEMORARÁ O DÍA DAS LETRAS GALEGAS AFONDANDO NA FIGURA DE CARVALHO CALERO

DUVI 12/05/2020



O acto poderá seguirse a través de Campus Remoto

A suspensión da actividade presencial nos campus por mor da crise da COVID-19 non impedirá que, como é habitual, a Universidade de Vigo celebre o Día das Letras Galegas, que neste 2020 dedícase ao filólogo e escritor Ricardo Carvalho Calero. Afondar, desde diferentes perspectivas, na figura e traxectoria do homenaxeado será de feito o obxecto central do acto virtual que a institución académica desenvolverá este venres ás 12.00 horas e que poderá seguirse a través do [Campus Remoto](#) e de [UVigoTV](#). [+info.](#)



Sandra Rojas durante o traballo de campo

## A INVASIÓN DA VESPA VELUTINA IMPACTA NEGATIVAMENTE NO COMPORTAMENTO DOS INSECTOS POLINIZADORES E NA REPRODUCCIÓN DAS PLANTAS

M. DEL RÍO DUVI 13/05/2020

Hai máis dunha década que a *Vespa velutina* chegou accidentalmente a Europa procedente do sudeste asiático. A súa expansión foi rápida e efectiva en países como Francia, España e Portugal, os máis afectados por esta especie invasora no continente. Actualmente pódese atopar en case todas as rexións da área atlántica e representa unha ameaza para a biodiversidade xa que é un importante depredador de abellas e outros polinizadores. [+info.](#)




En toda España a produción superou as 236.000 unidades

## ESCUDOCOVID.19 REMATA A SÚA ACTIVIDADE CON 56.000 PANTALLAS PRODUCIDAS EN GALICIA

En toda España a produción superou as 236.000 unidades

M<sup>a</sup> DEL CARMEN ECHEVARRÍA DUVI 13/05/2020

A plataforma [EscudoCovid.19](#) pon fin a súa actividade, que comezou a finais do pasado de marzo, cun balance “moi positivo”, asegura o seu promotor e director do Centro de Investigación en Tecnoloxías, Enerxía e Procesos Industriais da Universidade de Vigo, ([Cintecx](#)), José Luis Martínez Lastra. “Nunca pensei que chegaríamos a unha produción de pantallas acumulada de máis de 236.000 escudos a nivel nacional, dos que 56.000 corresponden a Galicia”, asegura o docente e investigador. [+info.](#)



Imaxe da xuntanza telemática

## O PROXECTO DA UVIGO SOBRE USO DE DRONES PARA A DESINFECCIÓN CONTRA A COVID-19 PREPÁRASE PARA O SEU ARRANQUE

DUVI OURENSE 14/05/2020

Este xoves, as e os representantes dos oito proxectos innovadores que a Xunta de Galicia, a través da Axencia Galega de Innovación, apoia para avanzar na loita contra a COVID-19, seis deles promovidos por pemes galegas e dous máis deseñados polas universidades de Vigo e Santiago, mantiveron unha xuntanza telemática con Francisco Conde, conselleiro de Economía, Emprego e Industria. No caso da Universidade de Vigo, trátase dun [proxecto](#) de desenvolvemento e validación de operativas de voo con sistemas aéreos non tripulados (drones) para efectuar tarefas de desinfección contra o coronavirus. [+info.](#)





Ramallo moderou un coloquio sobre Carvalho Calero no que participaron Pilar García Negro, Camiño Noia e Aurora Marco

## A UNIVERSIDADE RECLAMA “MIL PRIMAVERAS MÁIS PARA O GALEGO” PONDO EN VALOR O COMPROMISO DE CARVALHO CALERO

EDUARDO MUÑIZ DUVI 15/05/2020

A situación xerada pola expansión da COVID-19 fixo que o acto co que a Universidade de Vigo conmemora cada ano o Día das Letras Galegas fose neste 2020 algo diferente. A través do [Campus Remoto](#), desenvolveuse este venres un acto virtual que tivo como eixo central reflexionar sobre a figura do filólogo e escritor homenaxeado no presente ano, Ricardo Carvalho Calero, a través das verbas da súa filla, a catedrática de Historia da Arte Contemporánea da Universidade de Vigo, María Victoria Carballo-Calero, da profesora emérita da institución viguesa Camiño Noia, da ex-deputada e ex-profesora da Universidade da Coruña Pilar García Negro e da catedrática De Didáctica da Lingua e Literatura Galega da Universidade de Santiago de Compostela Aurora Marco. [+info](#).



O centro contará o vindeiro curso con 53 prazas

## ABERTO PRAZO DE INSCRICIÓN NA ESCOLA INFANTIL DO CAMPUS

DUVI PONTEVEDRA 18/05/2020

Ata o vindeiro venres 29 de maio permanece aberto o prazo de preinscrición para o vindeiro curso na Escola Infantil do campus, que contará con catro aulas e 53 prazas, das que unha porcentaxe resérvase para os fillos e fillas de integrantes da comunidade universitaria. [+info](#).

## CHEGAN Á UNIVERSIDADE AS PRIMEIRAS DEFENSAS DE PROXECTOS STEMBACH

D. BESADÍO DUVI 18/05/2020



As presentacións arrancaron cun traballo sobre o polimorfismo da cor da concha nun caracol mariño

Son pioneiros na participación neste programa, por iso o seu exemplo vai servir de guía para todas as alumnas e alumnos interesados en participar no denominado [STEMBach](#), [Bacharelato de Excelencia en Ciencias e Tecnoloxía](#), unha iniciativa impulsada pola Xunta de Galicia e á que a Universidade de Vigo se uniu desde o primeiro momento. Os institutos A Sangriña de A Guarda e Plurilingüe A Paralaia de Moaña foron dous dos centros que primeiro se uniron a esta experiencia. [+info](#).

**VERÁN 2020**  
Cursos de idiomas **EN LIÑA**

*Matricúlate xa!*

INGLÉS • FRANCÉS • ALEMÁN • ITALIANO  
PORTUGUÉS • ESPAÑOL

CENTRO

## O CENTRO DE LINGUAS CONTINUARÁ DURANTE O VERÁN COA FORMACIÓN EN IDIOMAS DE XEITO VIRTUAL

DUVI 18/05/2020

A crise da COVID-19 non vai impedir que a formación en idiomas que cada verán ofrece o [Centro de Linguas](#) se desenvolva nos vindeiros meses. Os cursos intensivos, de entre dúas e catro semanas de duración abertos tanto á comunidade universitaria como á cidadanía en xeral para aprender ou mellorar a competencia en idiomas estranxeiros, impartiranse de xeito virtual. [+info.](#)



Dous exemplares de '*Philogenia gaiae*', durante unha cópula. Foto: Adolfo Cordero

## INVESTIGADORES DE VIGO, BRASIL E ECUADOR DESCOBREN UNHA NOVA ESPECIE DE LIBÉLULA AMAZÓNICA

EDUARDO MUÑIZ DUVI PONTEVEDRA 19/05/2020

A cor negra do seu corpo e o seu voo, rápido e poucos centímetros por riba da vexetación, fan que sexa difícil atopar e distinguir, no medio da selva amazónica, á *Philogenia gaiae*, a especie de libélula que o profesor da Escola de Enxeñaría Forestal e responsable do grupo EcoEvo (Ecología Evolutiva e da Conservación), Adolfo Cordero, descubriu nas selvas amazónicas xunto con investigadores da Universidade de São Carlos brasileira e da Universidad San Francisco de Quito ecuatoriana. [+info.](#)



Imaxe da xuntanza celebrada este martes Foto: Xunta

## ARRANCAN AS NEGOCIACIÓNS COA XUNTA PARA A IMPLANTACIÓN DA DOCENCIA MIXTA DESDE O VINDEIRO CURSO

DUVI 19/05/2020

A Consellería de Educación, Universidade e Formación Profesional e as tres universidades galegas mantiveron este martes unha xuntanza de traballo na que iniciaron os trámites de cara á implantación para o vindeiro curso da denominada docencia mixta, referido á combinación da docencia presencial coa educación en liña. Bautizado como Programa de transformación á docencia innovadora no SUG. [+info.](#)



Imaxe de arquivo do Obradoiro de Mindfulness do que nace esta aula virtual

## PONSE EN MARCHA UNHA AULA VIRTUAL DE MINDFULNESS PARA TRABALLAR AS CONSECUENCIAS DA COVID-19

DUVI OURENSE 20/05/2020

Entre a oferta de obradoiros de extensión universitaria que cada curso se imparten no campus de Ourense hai un dedicado ao *mindfulness*, práctica tamén chamada atención ou conciencia plena. Tendo en conta as especiais circunstancias provocadas pola crise da COVID-19, o seu docente, Stuart McNicholls, profesor da Facultade de Ciencias da Educación, pon este mércores en marcha unha Aula Virtual de Mindfulness “coa que adentrámonos con presenza e compaixón nas próximas fases de desescalada do confinamento e nas consecuencias individuais e colectivas da crise da Covid-19”. [+info.](#)



A titulación impártese na Facultade de Ciencias Sociais e da Comunicación

## DIRECCIÓN E XESTIÓN PÚBLICA PREPÁRASE PARA ESTREAR A SÚA MODALIDADE VIRTUAL

EDUARDO MUÑIZ DUVI PONTEVEDRA 20/05/2020

No mes de setembro, o grao en Dirección e Xestión Pública converterase no primeiro do Sistema Universitario de Galicia (SUG) en contar cunha modalidade virtual, para a que se ofertan 20 prazas, que se suman ás 25 do modo presencial. Co propósito de ampliar a formación en materia de docencia virtual do profesorado, esta semana botou a andar un curso obrigatorio para as e os docentes que impartirán as materias de primeiro curso de xeito virtual. [+info.](#)



## INVESTIGADORES DO CAMPUS DO MAR PARTICIPAN NO PROGRAMA FORMATIVO #AFUNDACIONENCASA

DUVI 26/05/2020

A contaminación das rías, o cambio climático ou o carallo de mar son algúns dos temas sobre os que achegarán os seus coñecementos investigadores e investigadoras do Campus do Mar ao programa formativo #AfundacionEnCasa. [+info.](#)



O Consello de Campus de Pontevedra celebrou a súa sesión a través do Campus Remoto

## O PECHE DUN CURSO MARCADO POLA COVID-19 CENTRA O CONSELLO DE CAMPUS DE PONTEVEDRA

EDUARDO MUÑOZ DUVI PONTEVEDRA 28/05/2020

Os cambios e medidas que foi preciso adoptar, trala suspensión da actividade docente presencial e a declaración do estado de alarma, para completar un curso académico marcado pola COVID-19 centraron en boa medida a sesión ordinaria do Consello de Campus de Pontevedra celebrada este xoves de xeito virtual. Na xuntanza desenvolvida a través do Campus Remoto abordouse tamén a preparación do vindeiro curso, que, no referido á oferta de titulacións, terá como única novidade no campus a posta en marcha da modalidade virtual do grao en Dirección e Xestión Pública. [+info.](#)



## A UVIGO DESTINA 150.000 EUROS PARA AXUDAS URGENTES QUE PALÍEN O IMPACTO DA COVID-19 NAS ECONOMÍAS FAMILIARES

DUVI 28/05/2020

ERTES, despidos, redución de ingresos... o impacto do confinamento decretado polo estado de alarma dende o 14 marzo nas economías familiares está a ter un impacto directo moi grave sobre a renda das familias. Para tratar de paliar os efectos que estas circunstancias poidan ter no rendemento académico do alumnado, a Universidade de Vigo acaba de lanzar unha convocatoria de axudas urxentes e excepcionais para o estudantado afectado polas consecuencias económicas da declaración do estado de alarma que lle impida ou dificulte a continuidade dos seus estudos. [+info.](#)



Un intre da reunión entre a Consellería e os reitores

## CONSELLERÍA DE EDUCACIÓN E UNIVERSIDADES APOSTAN POR UNIR ESFORZOS PARA INCORPORAR NOVAS METODOLOXÍAS, COMPATIBLES COA DOCENCIA PRESENCIAL

Situar o alumnado como centro das medidas; organizar a actividade docente en tres posibles escenarios (presencial, semipresencial e a distancia) e potenciar tanto a avaliación continua como a formación en competencias dixitais. Estes son os obxectivos e eixes de acción compartidos pola Consellería de Educación Universidade e Formación Profesional e as universidades do SUG, que se tiran da análise da proposta coas achegas das universidades ao plan de impulso da docencia mixta deseñado pola Xunta.

[+info.](#)





Imaxe dunha aula CeMIT Foto: Xunta

## O ALUMNADO UNIVERSITARIO PODERÁ EXAMINARSE EN LIÑA NAS AULAS CEMIT DA XUNTA

DUVI 28/05/2020

As tres universidades galegas, a Axencia para a Modernización Tecnolóxica de Galicia (Amtega) e a Federación Galega de Municipios e Provincias (Fegamp) asinaron esta semana un convenio de colaboración co que se pon a disposición de todo o alumnado universitario matriculado no SUG, as denominadas Aulas CeMIT, aulas públicas de acceso a internet dependentes da Comunidade Autónoma de Galicia, para realizar os exames das súas materias na modalidade non presencial. [+info](#).



## O CIM PARTICIPA NUNHA INICIATIVA CONTINENTAL PARA CREAR UN ESPAZO DIXITAL ABERTO E COLABORATIVO PARA AS CIENCIAS DA VIDA NA NUBE

DUVI 29/05/2020

O Centro de Investigación Mariña, a través da Ecimat e a súa participación na Rede Europea de Estacións de Bioloxía Mariña (EMBRC-ERIC), participa xunto con outras 12 infraestruturas de investigación europeas nun proxecto H2020 denominado EOSC-LIFE (European Strategy for Research Infrastructures). Estas 13 institucións de I+D do eido da saúde e da alimentación unen os seus coñecementos e esforzos para crear un espazo dixital aberto e colaborativo para as ciencias da vida na nube, o que será a European Open Science Cloud (EOSC). [+info](#).



Imaxe da primeira sesión de Consello de goberno virtual

## POR PRIMEIRA VEZ TODA A COMUNIDADE UNIVERSITARIA PODERÁ SEGUIR A RETRANSMISIÓN EN DIRECTO DUN CONSELLO DE GOBERNO VIRTUAL

M<sup>a</sup> DEL CAMEN ECHEVARRÍA DUVI 29/05/2020

“Ante a importancia dos temas a tratar, pero probablemente como unha medida que valoraremos para o futuro, queremos retransmitir esta sesión ordinaria do Consello de Goberno”. Nestes termos explica o reitor Manuel Reigosa a decisión do equipo de goberno de retransmitir en directo a través de UVigoTV a sesión ordinaria de Consello de goberno, que se celebrará o vindeiro martes 2 de xuño. [+info](#).

---

## UNIVERSIDADE DE VIGO

### **Unidade de Análisis e Programas.**

Edificio Filomena Dato.

Planta Baixa.

36310 Vigo (Pontevedra)

986.818.689 986.818.640